



**DEMOKRATSKA
FRONTA**



**SKUPŠTINA KANTONA SARAJEVO
KLUB ZASTUPNIKA DEMOKRATSKE FRONTE
ZASTUPNICA VEDRANA VUJOVIĆ**

Za:

VLADA KANTONA SARAJEVO

Ministarstvo za odgoj i obrazovanje

Na osnovu člana 213. Poslovnika Skupštine Kantona Sarajevo („Službene novine Kantona Sarajevo“, broj: 41/12 – Drugi Novi prečišćeni tekst, 15/13, 47/13, 47/15, 48/16, 9/20, 14/20, 16/20), pokrećem:

ZASTUPNIČKU INICIJATIVU

Da se Program sufinansiranja troškova produženog boravka za učenike od prvog do četvrtog razreda osnovne škole u osnovnim školama kao javnim ustanovama na području Kantona Sarajevo proširi i na osnovnu školu KŠC Sv. Josip Sarajevo i druge predškolske ustanove u kojima je već duži niz godina organizovan produženi boravak, a sve u skladu sa Pedagoškim standardima i normativima, te drugim propisima kojima je regulisan rad produženih boravaka.

OBRAZLOŽENJE

Imajući u vidu da je Program sufinansiranja troškova produženog borakva za učenike od prvog do četvrtog razreda osnovne škole obuhvatio samo škole koje su javne ustanove u Kantonu Sarajevo, a da se produženi boravak duži niz godina organizuje u različitim predškolskim ustanovama koje imaju saglasnost Kantona Sarajevo za rad, smatram da je vrlo važno ovaj program proširiti u skladu sa pozitivnim zakonskim propisima.

Posebno bih istakla da osnovna škola KŠC Sv. Josip Sarajevo, koja se nalazi i na Mejtašu i na Stupu. KŠC na Stupu predstavlja jednu od rijetkih osnovnih škola u širem području novoizgrađenih naselja poput Tibra, Bulevar, Izvor i drugih. Godinama roditelji djece iz ovih naselja čekaju rješavanje i gradnju škole koja bi omogućila školovanje djece u blizini njihovih domova, te dok se to ne desi, njihova djeca idu i u školu i produženi boravak u KŠC.

Također ističem i organizaciju produženog boravka u Predškolskoj ustanovi Dječji vrtić "Sveta Obitelj" koja se isto nalazi na Stupu u neposrednoj blizini spomenute osnovne škole, gdje sam više puta boravila, te sam u razgovoru sa roditeljima zaključila da isti posjeduju bolju organizaciju produženih boravaka i prostorne kapacitete u odnosu na mnoge druge koji se organizuju u okviru javnih ustanova na području Kantona Sarajevo. I u ovaj produženi boravak idu djeca iz OŠ KŠC i šireg područja Stupa.

Da li je cilj ove Vlade i Ministarstva povećati broj djece u produženim boravcima kantonalnih ustanova i na taj način povećati prihode u istima, ili je cilj finansijski olakšati roditeljima plaćanje produženog boravka?

Navedenim Programom sufinansiranja troškova produženog boravka ova i slične škole nisu obuhvaćene, te se pitam da li će radi ovakve paušalne odluke, pojedini roditelji biti primorani svoje dijete upisati u drugu školu (javnu ustanovu) koja ima subvencioniran produženi boravak. Svi roditelji su jednako pogođeni inflacijom, te programi poput ovog trebaju biti usmjereni ka porodicama, a ne institucijama, a sve sa jednim ciljem, a to je najbolji interes djeteta.

Sarajevo, 26.11.2024. godine

Vedrana Vujović

